

北洋官報

目錄

宮門抄

奏議○護直督奏到任日期摺△東督錫等奏道缺仍請照舊例辦理摺△江督張等奏南北洋文報局歸併合辦摺△直提奏奏恭備 陵差員弁請獎片

公體○督憲札一件△學司詳一件△運司等詳一件△衡水縣稟一件△普撫札一件

文告六則△電報七則△新聞十三則

彙編○彙摘江蘇諮議局議案

本局第一百十九期法政學報已出

宮門抄

十月二十一日 法部 大理院 廂紅旗值日 調補密雲副都統豐陞阿謝 恩 廣公假滿請 安

祥普續假十日 掌禮司奏二十五日祭 奉先殿濤貝勒行禮 召見軍機 豐陞阿

奏議錄要

護理直隸總督布政使崔奏恭報到任日期並謝 恩摺

奏為恭報奴才到任日期叩謝 天恩仰祈 聖鑒事竊奴才在京差次欽奉 上諭暫行護理直隸總督

兼北洋大臣當即專摺謝 恩仰蒙 召見備聆 聖訓 陛辭後於十月十五日行抵天津准卸任督臣

端方委天津府知府黃昌年中軍副將韓廷貴將 欽差大臣關防直隸總督關防長蘆鹽政印信各一顆並

王命旗牌文卷等件齎送前來奴才謹於是日恭設香案望 闕叩頭祇領任事伏念奴才耳筆承明服官京外

愧時艱之莫補乃疆寄之權膺渥荷 溫綸深虞短絆况日新庶政九年之籌備方殷地處要衝萬國之往來畢

集舉凡內政外交之待理益懼才輕任重之難勝奴才惟有勉矢慎勤以冀上酬 知遇不敢以暫時攝篆稍涉

因循庶期仰答 高厚鴻慈於萬一所有奴才到任日期並感激下忱理合恭摺具 奏叩謝 天恩伏乞

皇上聖鑒謹 奏宣統元年十月十八日奉 硃批知道了欽此

東三省總督錫良前直隸總督端方等奏道員缺分雖改職掌仍舊請照定例辦理摺

奏爲道員缺分雖改職掌仍舊擬請循照定例辦理以昭周妥恭摺仰祈 聖鑒事竊查直隸之天津山東之煙

台奉天之營口三處關稅從前本歸三口通商大臣管理嗣於同治九年十月欽奉 上諭軍機大臣等總理

各國事務衙門遵議毛昶熙請撤三口通商大臣條陳一摺洋務海防本直隸總督應辦之事前因東豫各省匪蹤

未靖總督遠駐保定兼顧爲難特設三口通商大臣駐津籌辦係屬因時制宜而現在情形則天津洋務海防較之

保定省防尤重必須專歸總督一手經理以免推諉而專責成著照所議三口通商大臣卽行裁撤所有洋務海防

各事宜著歸直隸總督經管照南洋大臣之例頒給欽差大臣關防以昭信守其山東登萊青道所管之東海關奉

天奉錦道所管之牛莊關均歸該大臣統轄等因欽此是以東海關每結洋稅向由北洋主政會奏其山海關洋稅

常稅均歸北洋奏銷不會奉天督撫之銜該道遇有升遷事故應委署理人員向由奉天直接次輪流派委迄今四十

年來遵循勿替又查吏部銓選則例內載奉天東邊兵備道作爲題補最要缺夏間駐紮東溝秋後駐紮頭道江冬

末再回鳳凰城往來兼顧以資彈壓遇有缺出由該將軍等咨會北洋大臣直隸總督於奉天直隸兩省現任道員

中各保一堪任邊疆要缺熟悉洋務之員請 旨簡調如奉天直隸兩省候補道員及現任知府內有人地實在

相宜堪勝邊要者准由 盛京將軍直隸總督專摺出具切實考語各保一員請 旨簡署俟試署一年期滿再

行請補請陞誠以該道接壤朝鮮兼管中江稅務缺關重要合兩省之道府各班遴員請 簡取材既廣勝任無

難立法之初具有深意本年三月間准內閣會議政務處來咨升任東三省督臣徐世昌奏改奉錦山海關道爲錦

新等處分巡兵備道兼山海關監督仍治營口以重商埠而免更張前因駐紮山海關故奉錦山海關道受直隸省

管轄現既定駐營口改爲巡道自宜專隸奉省所有關稅事務毋庸再由直隸總督會銜辦理又改東邊道爲興鳳

等處分巡兵備道仍治安東以符名實該道員缺卽由奉省循章擇員保奏請 旨簡補等因其更改缺分一層已由政務處核准惟奉錦道仍收直隸境內之稅東邊道例有直隸會保之條徐世昌原奏未曾聲明政務處因亦未經議及臣端方到任後檢查原奏聲明既有疏漏變通未盡合宜適臣錫良臣德全亦以事關兩省慮有窒碍咨商到直臣等會同籌議伏查奉錦道移駐營口歷年已久非因前駐直境山海關始歸北洋統轄現雖改爲錦新等處分巡兵備道不過於錦州府之外加一新民府其原管海關既仍舊貫駐紮之地亦未遷移是其職掌并無改易且近年直屬秦王島開埠設關凡東來出口土貨與夫進口東往洋貨均由該道派員權稅而其所設之常關又實在直屬臨榆縣境北洋大臣既有統轄考核之責自不便遽改舊章使之專隸奉省又查東邊兵備道本係邊疆要缺自光緒三十二年安東縣設立海關以該道兼監督仍令兼管中江稅務并將大東溝爲該關附設分卡歸其兼轄事權益繁治理愈難奉天向無分發人員尋常一缺一差尙借材於他省奉直壤地相接調往尤多委補升遷歷歷可數定例東邊道遇有缺出由奉直兩省保員請 簡實爲邊材難得慎重要缺起見尤未可輕議更張此大興鳳道沈承俊奏革遺缺已由臣錫良等遵照定例電商臣端方仍由奉直各保一員會奏請 簡在案臣等忝膺重寄但期於公有益決不敢稍存私意於其間奉錦道改爲錦新道東邊道改爲興鳳道既由政務處核議覆准自應遵照辦理惟錦新道監督之山海關本係北洋三關之一擬仍令兼受北洋管轄監督安東關之興鳳道例保奉直兩省之員擬循例章辦理庶辦事不致隔閡考核益昭周密臣等再三商酌意見相同應請 旨飭下會議政務處核議施行俾資遵守理合會同恭摺具陳伏乞

皇上聖鑒訓示再此摺係臣端方主稿謹 奏宣統元年十月十七日奉 硃批會議政務處議奏欽此

兩江總督張人駿前直隸總督端方奏南北洋文報局歸併合辦以節經費摺

奏爲南北洋文報局歸併合辦以節經費恭摺會陳仰祈 聖鑒事竊查光緒三十三年臣端方前在兩江任內

因提塘違誤要公奏請裁撤另設文報局接遞公文奉 旨允准兩載以來一切文報往來頗稱捷速至直省

提塘亦因誤公奏革另行設局接遞文報上年十二月經前直隸督臣楊士驥議令停辦當已分咨各部院查照在

案茲查直隸文報局自去冬停辦之後接遞各項公文無人經理每多舛誤遲延頗形不便自非照案辦理無以專

責任而重要公惟當此財政艱窘裁除浮冗之際亦不得不設法變通以期費省而事集茲與臣人駿往返電商擬將北洋文報事宜與南洋併設一局凡各部院咨行南北洋及南北洋咨達各部院公文除向歸驛遞者應仍照舊辦理外其餘公文均交該局接收轉遞員薪局用等項核實開支由南北洋分別攤認似此辦理於往來文報既不致有遲誤之虞而經費所省實多亦尚不無裨補除分咨外謹合詞恭摺具陳伏乞
皇上聖鑒謹·奏宣統元年十月十七日奉 硃批該部知道欽此

直隸提督姜桂題奏恭備

陵差文武員弁懇援案請獎片

再奴才前閱邸鈔敬諭本年三月十二日

德宗景皇帝梓宮奉移梁格莊

行宮暫安應差各員經民

政部步軍統領衙門陸軍部先後奏蒙

恩准給獎仰

朝廷如

天之仁優待臣下無微不至凡有血氣

莫不感激奮勉力圖報稱奴才其時派出文武員弁督帶步隊三營守護橋梁道路始終勤奮事同一律祇以備差員數無多僅由奴才擇尤存記未敢上瀆

聖聰此次恭奉

孝欽顯皇后梓宮奉移

山陵永遠奉

安禮成所有奴才一軍准陸軍部奏奉

俞旨派撥步隊八營馬隊一營按站守護並以道路袤長沿途站衛更

不容懈復派步隊五營分段巡防並添派馬隊一哨往來偵察巡邏以資周密均經奴才奏咨在案奴才竊以此次

奉派軍隊較多責任較重亟應遴選妥幹文武員弁敬謹認真辦理仰託

聖主威福幸無隕越所有在事文武

員弁或身任查察或督帶軍隊均能恪恭將事敏勉從公露宿風餐晝夜弗懈實屬異常勤奮合無仰懇

天恩

准援上次民政部等成案准由奴才併案擇尤酌保以示鼓勵之處出自逾格

鴻慈謹附片具陳伏乞

聖鑒訓示遵行謹 奏宣統元年十月十七日奉 硃批准其併案擇尤酌保毋許冒濫欽此

公牘錄要

前督憲端准農工商部咨江浙閩粵四省商界人孫樹勳稟請在天津設立商學會札飭津海關道天津商

會文

為札飭事九月二十九日准 農工商部咨開接據江浙閩粵四省商界代表人孫樹勳馮景彝方城莊公魯稟稱天津為通商口岸華洋雜處在洋商則日見發達而華商則日就蕭條商等經營有年深知其失敗之原因斷非從

事於學不可商學二字範圍甚廣商等所從事者專以考查商情研究商務爲宗旨商業中人於商律多未諳習故集合同志研究商律商規以開通商界之知識一切章程均仿照上海商學會原章程略加刪改除稟北洋大臣外呈請鑒核立案咨飭保護等情前來查閱該紳等所擬章程共五十六條大致尙屬妥洽其所列宗旨亦正除批飭切實研究外相應咨行貴大臣查照飭屬保護可也等因到本大臣准此合行札飭札到即便轉飭一體保護此札學司詳核擬稟津縣捐助學款各員請獎文並批

爲詳覆事案奉 憲台批甯津縣詳總董遲述德稟稱初小教員文生張春和學董張景元等學務出力請獎一案蒙批據詳已悉仰提學司核擬詳辦繳等因奉此查此案前據該縣選稟到司業批查該縣學堂一覽表王鐸莊學生三年始增至二十四名分高初兩班教授東遲莊學生四十二名分爲高初三班張學齋莊學生十七名亦分三班其人數頗有嫌過少者且初小開學甫及兩載遽設高等其程度是否銜接亦尙待詳稽但該教員學董竭力勤助有裨教育熱心毅力自不可沒所有捐款各員應候照章詳獎其張春和一員仰先傳諭嘉勉并由司存記俟查核成績果屬優美再行彙案核獎仍候 督憲批示在案茲奉前因擬合將捐款各員先行核給獎叙查該文童等家本寒素輸資興學樂盡義務未便沒其好義之忱應請將捐京錢五百吊之文童張景元獎給六品功牌捐款并辭薪金共京錢一百五十吊之文童張書聲獎給九品功牌捐京錢一百吊之文童張登崇張芳林均各獎給九品功牌其張春和一員仍候另案彙核請獎所有遵飭核擬緣由理合詳請 憲台示遵爲此備由具呈伏乞 照詳施行

前督憲端 批據詳已悉捐助甯津縣學款之文童張景元准如所擬給予六品功牌文童張書聲張登崇張芳林等准各給九品功牌文生張春和仍另案核獎茲發去功牌四張仰即查收轉飭給領此繳

運司等會詳遵飭議覆碑鹽行銷熱河辦法文並批

爲詳覆事竊奉 憲台電准 熱河都憲廷電稱承德灤平食碑鹽者爲多近來鹽價日昂鹽斤日斷曾經電請前大臣轉飭查明石碑鹽灘價若干以便招商購運接准覆電已飭永同核議迄未見覆趁此河路暢通正可及時販運若再遲延秋高水淺船價更昂請飭速議等因飭由職局查照迅速議覆以便核咨等因奉此遵查光緒三十四

年八月曾經詳派馬守炳麟試辦承德五屬鹽務行銷碑鹽嗣因熱河核定稅章每斤抽正課五文局費二文又抽部加四文共計十一文當以部加四文係屬加價並非加稅請祇繳正課局費七文免繳部加四文詳請核咨旋准熱河都憲咨稱新加四文事關部款應請咨部查覆等因遵即飭令照繳然因稅項過重運費又昂遂致虧耗成本力不能支本年閏二月詳請撤局停辦在案現在熱河都憲以需鹽甚亟擬即招商承辦就灘運鹽惟查石碑場鹽灘起運至熱河境內路經樂亭昌黎灤州盧龍遷安五州縣商人由灘運鹽赴熱沿途如有飛洒則永七引岸立見充斥若由職局派隊巡緝則延長數百里處處需人防範所費更屬不貲再四思維招商就灘運鹽一節實屬未便違辦倘熱境實在需鹽或由灤河橋子店多備鹽斤按照現售定價發售運商或由職局派員在下板城設局均可接濟民食如果在下板城設局祇能呈繳正課五文其局費二文應請免繳至部加四文應由職局於售鹽價內提出另款存儲聽候部章辦理不必由熱抽收似此酌量變通在熱河既無虞淡食在職局或不至賠累但現在節逾霜降天氣已寒今年萬辦不及應俟明年再行啓運理合詳請憲台咨商熱河都憲酌核咨覆以便遵照辦理是否有當伏候批示祇遵實爲公便再此詳係由職道學臧主稿本司鎮芳會同擬定合併聲明爲此備由具詳伏乞照詳施行

前督憲端批據詳已悉仰候咨商熱河都統酌核辦理俟覆到再行飭遵此繳

署衡水縣吳令畬稟到任後查明巡警現擬整頓大概情形文並批

敬稟者竊維巡警爲內政要端立憲基礎必須認真舉辦方足以收實效而保公安卑縣巡警自俞令蘭元開辦以來原有警兵二百名嗣經王令光鸞以經費支絀稟明暫行減半裁撤查卑縣警費出自畝捐并房舖等捐歲本不足又因成效未著民不樂從以致收數壅滯經費愈形竭蹶辦理遂日益腐敗卑職抵任後查點各區巡警零星不齊未能名副其實調查警款除民欠三千吊外虧負至七千數百吊而在事警董於收支款項并未宣示報告遂致嘖有煩言紛紛上控長此糜爛實於警務前途大有關礙卑職職守所在亟思切實改良力求進步現擬督同巡官將原有警兵逐加挑選分別去留一面出示添募先行募足一百二十名由卑職另行安訂章程飭令遵守其區巡長及區董各員亦應量加釐剔以資董率所有出入款項仍照舊章由紳董經理惟各局區薪餉等項應按月具領

送由總局轉呈卑職批准後方許發給總局亦一律照辦仍由局將收支數目按月榜示局門一面申報卑職轉報警務處查核以杜弊端而昭信實似此量爲整頓庶事歸實濟款不虛糜民間既見效果自能踴躍輸將不致再有拖欠警務可期發達至前虧警費七千數百吊究竟是否實在有無不實不盡應由卑職調齊賬目澈底清查明確分別核辦除俟整頓完備再將詳細情形據實稟報外所有卑職到任後查明巡警現擬整頓大概情形理合先行稟請 大帥鑒核訓示祇遵實爲公便

前督憲端 批據稟已悉查巡警爲內政要圖應即責成該縣認真整頓力求進步以收實效一面將所虧警款澈底清查分別核辦仰警務處轉飭遵照此繳

晉撫寶通飭各屬重申禁種煙苗文

爲通飭事照得晉省煙土 奏明自宣統元年爲始一律禁盡本年業經遵辦明年仍當照禁本可無庸贅言第閩省之大賢愚不等利之所在人盡趨之轉瞬又屆冬苗春苗下種之期深恐農佃人等或誤會開禁意存觀望或希冀明年查禁未必再如今年之嚴密輕於嘗試稍不留意偷種堪虞一處滋蔓前功盡棄關係實非淺鮮亟應責成各該地方官邀同就地正紳督率鄉約人等先期廣爲傳告無論冬苗春苗概不准再種一株如有私自偷種之區人則枷責地則充公悉照本年章程罰辦鄉約人等同干懲處不得稍涉寬縱該司道及各府直隸廳州責無旁貸仍當多派誠實可靠員紳隨時嚴查各該地方官倘敢虛應故事立即詳請撤叅不得稍存姑息致令功虧一簣除由本部院撰發告示通飭遵行並隨時派員密查外合亟通飭並將告示附發札到該口立即遵照先期邀同就地正紳督率鄉約地甲人等將無論冬苗春苗概不准再種緣由廣爲傳告演說隨時嚴密查察斷不准稍任滋蔓一面將所發告示轉發各村鎮務令選擇安地永遠實貼勿任毀壞如有不敷由縣照錄原示廣爲頒貼以期周知倘俟本部院查出境內尙有一莖煙苗或有一處未貼禁種告示者定即執法從事事關大局耳目甚長勿謂來年不如本年之嚴厲可以稍涉玩泄也仍將奉文日期遵辦情形貼示處所先行專案具報以憑存卷查核均毋片延凜之勉之切切特札

文告錄要

郵傳部示諭○爲曉諭事照得本部鐵路管理傳習所招考簡易班業經定期考試曉諭在案中國歷史一鐘中國輿地一鐘二十一日考試理化一鐘算術一鐘代數一鐘英文一鐘除洋文問答外其餘概用中文考試投考諸生屆期務於九鐘齊集署後鐵路管理傳習所聽候點名並自攜帶筆墨及攜帶執照不得另携片紙隻字仰即遵照特示

督憲批示錄要○運司詳報指分長蘆試用鹽大使郭森到蘆日期呈繳執照由 批據呈執照候咨 吏部查銷暨咨河南撫院查照册存送此繳○運司兼緝私局詳明正定緝私局員陳令光麟另候差委改派王令頤接辦由 批如詳改委仰即飭遵此繳

學台批示○普通科學館畢業生張樹相稟請懇恩酌派差使一案 批據稟已悉仰仍自另圖此批○天津北河王陞等稟塘延借款賠累難支懇恩飭追一案 批仰自向本堂監督申訴勿贖

直隸警務處批示○曲陽縣司法科畢業生牛文兆稟入研究所一案 批據稟已悉該生懇入研究所一節業經本處註冊存記仰該生迅即回籍俟有缺額再行順序傳補可也此批

清苑縣告示○爲出示嚴禁事案蒙 鹽院憲端札飭以官硝局售硝奇滯由於私硝充斥令即一體示禁等因蒙此除飭差嚴密查緝外合行出示嚴禁爲此示仰闔屬居民舖商人等知悉自示之後爾等應用硝斤均各遵章赴北洋官硝局購買不得買用私硝致干法紀各硝戶等亦不得仍前私煎私販倘有不法之徒故違禁令一經查出或被告發即將查拿私硝全數變價充公充賞並將緝獲硝犯定即從嚴按律懲辦決不寬貸各宜凜遵毋違切切特示

保定府教育會公啓○吾郡教育會定於十一月十五日在省城開正式例會屆時務祈早臨並先期至事務所報到無任翹企此頌學社(事務所仍在南關小聖廟)

電報錄要

路透電○英國上議院會議財政問題時克爾森勳爵聲稱此事爲副議院固有之利權應於末次決議時宣示於衆并望上議院於此次爭辯重整上議院之權以成無懼自由強壯之性質克魯勳爵於會議完畢警告議員謂

此次與下議院爭辯實不啻自己驅舟與他人相撞因下議院權力甚大恐難獲勝反對黨於此次問題甚爲失
候政府對於此事甚不贊成因維持國家利權以保守平均主義爲要素無論政府另行選舉與否惟竭力維持
期無破壞法律之虞并於今晚會議時提議妥善之法

又電○英首相阿司奎斯氏將赴森靈漢地方之事展緩當阿氏進下議院時衆議員頗爲歡迎阿氏聲稱擬於今
日提議辦法并謂上議院此次駁拒財政表式實破壞憲法侵奪下議院利權聞工黨會議決定裁撤上議院議
員以保人民自由之權

又電○英國官場消息英政府擬於西歷明年一月二十五號派海軍大將威洛森氏繼斐士利氏之任

柏林電○德皇此次演說之詞中央守舊兩黨報紙甚爲稱讚英國報紙亦甚滿意巴黎輿論對於摩國之事亦均
贊成

又電○德國司徒伯克氏曾助守舊黨現在被選爲議院議長中央黨議長司盤氏被選爲副議長

又電○和蘭內閣某大臣言此次北海協約并無擔認有約各國軍事不過爲保守北海舊日和平大局而已

又電○美國於西十二月六號開國會

新政紀聞

政治

電詢議員與考事○憲政編查館接黔撫電云本屆保送舉貢所有舉貢出身之諮議局議長副議長議員及選定
之駐京議員應否准其一體與考仰候核示當即電覆云咸電悉議長等四項應由貴撫分別察酌如於職務實
無妨礙者應准與考惟曠職日期逾定章限制者即令辭職希查照此覆

電詢閉會後之議案○憲政編查館接浙撫電云浙江諮議局因議案甚多照章延會十日現屆閉會期限已迫除
隨呈隨批外由該局提出之議案約尙有二三十件未經議決呈請核行如有照章應令覆議之件已經閉會不
及覆議者當如何辦理祈速電覆以憑遵辦當即電覆云咸電悉諮議局常年會延長會期照章以十日爲限既
經限滿應即閉會所有未經議決之件應即作廢其已經議決尙須交局覆議者如事關重要得開臨時會辦理

此覆

電詢專額常駐議員○憲政編查館接江督電云據本省諮議局呈稱前奉劄行憲政編查館囑電各省專額議員除順直外無庸另設常駐員等因查定章常駐員額為議員總額五分之一順直因專額多至十人適敷選常額兩人故設兩常駐員額本省合江甯京口兩駐防專額四人計之略據舉常駐一人之比例能否設一專額常駐員合成常駐二十五人之數現閉會期近請飛電憲政編查館立予覆示祇遵等情謹電達乞速示覆遵辦當即電覆云蒸電悉前接川督晉撫電擬設專額常駐議員本館均先後電駁並於上月囑通電各駐防省分詳切指明辦法且京江專額議員合計尚不及五人之數更未便援順直之案致涉紛歧仍希查照通電辦理

電詢議員被選額數○憲政編查館接閩督電云閩省詳送資政院議員照章於本月十一日在諮議局用記名連記法投票初次當選人進士康詠編修楊廷論廣東補用道附生林輅存三名二次當選舉人孔選青優貢知縣李慕韓編修鄭錫光舉人楊豫四名三次當選拔貢李迪瑚共八名應否依次送院希速示當即電覆云文電悉互選當選人既經如額選足應由貴督照章將前列當選人覆加選定議員四人送院又接閩督電云文電敬悉閩省選送資政院議員四名照章倍選應足八名細繹館章第十二條互選監督按照第一條所定該省議員額數將前列當選人覆加選定為資政院議員閩省八人通謂之當選人似無名次先後所謂前列自統當選八人而言現應就八人內覆加選定送院是否乞速電示當即電覆云寒電悉查定章第八條當選人名次以得票多寡為先後等語是第十二條之所謂前列第十三條之所謂依次均即指此而言閩省當選八人其名次先後應以得票多寡排列監督覆選之時如查原列第一名實係不合議員資格者無庸選充依次推至第二名餘仿此電詢議長應否被選○憲政編查館接魯撫電云初九官報載貴館覆浙撫電選舉資政院議員所有議長副議長亦得在被選之列東省十一日互選議長副議長聲明不被選現在覆選將定閉會期近難再重選專電奉聞祈電覆當即電覆云鹽電悉互選資政院議員所有議長副議長本在被選之列東省本屆互選既據議長副議長聲明不被選亦屬可行仍由貴撫酌察情形辦理

學務

貴胄學堂將改章程○貴胄陸軍學堂總理那閣學以本堂前定之章程期於速成故一切課程上之程度無甚高論現既作爲永久計畫即須奏請將章程改訂寬展畢業年限以期深造云

嚴定學生之分數○學部分行各學堂略稱本部奏定各高等學堂學生畢業時須傳到部考驗所考分數須與平時在學堂所考之分數相符否則該堂職員及教員俱有處分等因故京中各高等學堂均有傳單告知各教員

凡在期考時所有學生分數應遵部章嚴密分給云
法律學堂舉行年考○京師象坊橋法律學堂新舊班課程甚爲齊整定於本月二十五日起舉行年考每日考三班分四日考試其遠省學生考後即可放假矣

軍政

江北陸軍辦理秋操○江北陸軍十三協遵照部章辦理秋操所有行軍經過地方及集合區域已勘定西壩王營朱集陸莊大興莊丁集胡莊漁溝來安集三棵樹田圩袁集等處並定期十月二十日由各該營開拔至二十七日操竣

皖撫秋操之訓詞○皖撫朱中丞秋操訓詞照錄如下 此次我皖新練軍隊初次合操本部院見兩軍攻守有法

步伐亦整齊不勝欣慰並且各營隊連日演習都能忍勞苦經過鄉村秋毫無犯這是極可嘉許其中有未能完備者祇因成軍日淺訓練未精加以公家款項不足一切組織尙都不甚完全然而有這點踴躍氣象也就是進步的根基回憶去歲我皖軍界破壞名譽頓減現既有此根基能從此大家鼓勵於內堂外場切實講求並從前損壞的名譽也全都恢復過來了本部院極盼望你們守定純正宗旨精益求精發揚我皖軍界的精神永遠不落於人後本部院的希望纔算滿足甚麼是軍人的精神呢其一在忠君愛國現在是兵力競爭的世界無論何國沒有軍隊即不能自立所以擴張軍備不厭求精要求國權完備先得軍人的資格完備所以今日時勢向大處說是國家與國家相爭向小處說就是個人與個人相爭要是營隊裏面有一兵卒精神學術不能完全對於外人就沒有自立的地位你們想到這個關係就得把自己身體看得要重務求智識高尚技術完全既爲中國國民這身體就爲國家所有自祖父相傳受皇上養育二百多年總得存心報答皇上立志作一個愛國的軍人

現在你們大家幸而入了軍隊又幸而生在太平時候這也是難得的地位也就是丈夫報國的時候應當打起精神研究兵學講習戰術預備殺敵立功作一番事業爭一個名譽纔殺一個軍人資格並纔殺一個國民的資格其二是愛衆合羣軍人的眞精神在於萬衆一心愛力團結古人說勝兵在和不在多可見行軍制敵以上下和衷爲要義你們要想無論軍官目兵同在一標一營裏面就得如同一家一家之人兄弟和睦纔可以抵禦外侮若自己先有意見彼此參商內部乖離何以對外此兵家所最忌者自古英雄成事首在能得人心要得人心就得養成好感情當軍官的要好好教育兵卒當兵卒的要一一服從官長就令官長有嚴加責備的時候你們也要想當官長的沒有不盼部下軍人有好名譽的雖然責備你們心裏還是望你們好你們只可守定服從義務愛惜名譽不犯規條日久官長沒有不看重的至於軍官目兵對於同人更當溫和謙讓互相親愛大家同心協力纔能有顛撲不破的精神況且兵凶戰危戰地爭雄更不是一人一部能作的事平日能得人心臨事纔能多得援助軍心一固何功不成尙望大家堅守此兩個宗旨以爲基礎自今以後軍人要將國家看作自己的身家軍官要將部下兵卒愛如子弟兵卒要將官長事如父兄大家鍛鍊精神徐圖進步務使軍事教育達於完全地位是本部院所極盼望的其各勉之

民事

議禁嗎啡同類之毒物○福建興泉永道前准稅務司函送高根藥料其質與嗎啡相同能止煙癮當即呈請督憲飭由洋務局將高根一瓶發交南台洋務分局委員高慶銓持往塔亭醫院化驗茲英國醫生噠呢覆稱此樹產於美國高山之上根葉均可製煉麻藥其性質功用確與嗎啡相同現時進口雖不甚多但其爲害甚烈似宜查禁等語閩督松制軍以高根一物既經廈門棉稅司及英國醫士查驗所稱相同是其爲害無異嗎啡應即咨請外務部比照嗎啡進口辦法一律議禁以除毒害云

南安警制之改良○江西南安陳守以考察察法制地方警察之上卽爲中央警察並無間接之一部分屬入其中故擬援部章所載府縣同治者由縣設立該府卽毋庸重復之條將郡城警察改爲大庾城廂巡警以一事權而符名實現已具稟當道未識如何批覆也

清清徐開徐洛潼西潼一則果爾吾江北路權又入外人之手後患何堪設想查清徐已經蘇路公司開築苟能依限完工自免外人覬覦海清亦經前督憲端派洋工程司測量平水圖冊一律完全一經議決開辦即可尅日興工所難者籌款耳轉瞬已交冬令官賑既難普及義賑更成弩末若不急籌路工藉資賑撫一旦飢民南下求食必至擾亂全省治安再四思維惟有公籲督撫憲奏請息借大清銀行三百萬兩趕築海清鐵路以工代賑約計冬春土石各工發價何止百萬是災黎可得百萬實惠即公家可省百萬賑款救荒之策未有善於此者所有借款築路辦法均詳淺說中海屬人民擔任還本於義本不容辭海清公司擔任付息尤賴廣勸附股蘇人好義名滿天下於外省巨災無不盡力捐助矧在同省能無惻然如蒙全體議員採納淺說贊成工賑各發宏願分任勸股吾知本省外省好善之士必皆樂於贊成能勸一人助賑一兩得三百萬人助賑即可得三百萬股銀是雖不借大清銀行之款亦可達此工賑目的又何付息之足慮外國團體多用此法以收衆擎易舉之效吾中國自蘇人開其先路將見他省遇有偏災亦可以工代賑欲築鐵路亦可不借外款外人見吾中國民智已開民氣已固不敢再萌瓜分之志豈非吾蘇諮議局第一特色耶謹具理由致請公決 許鼎霖提議 贊成者施雲鸞邵長鎔王立廷張鴻鼎葉蔚胡伯言李鴻籌高梅仙

一擬呈請督撫憲嚴飭甯屬各州縣一律依限設立清查公產公款事務所議案 督撫兩部院爲甯蘇兩屬公共行政長官江蘇諮議局又甯蘇兩屬公共輿論機關凡關於兩屬公共之政體均應一律敦促進行各州縣設立清查公產公款事務所實爲自治入手要著頃見某報載蘇屬長元吳三縣遵飭設立清查公產公款事務所業經出示曉諭是蘇屬已經實行而甯屬猶寂然無聞可否於此次答復兩部院議案文內據情呈請如甯屬各州縣業經一律通飭在先應請嚴定期限再行札飭責令一律依限成立並呈報一切進行方法庶自治財政問題先得所著手 陳官彥提議

一籌興水利爲諮議局基本金之設備議案 一設江淮水利公司 一以諮議局負江淮水利公司之責 三先從事於測量 四先結水利協會會員不限於本省人 五諮議局常駐員對於江淮水利得於不背議決之範圍內時時進行至有成效而止 六水利公司至得有餘利時取其十分之三聽諮議局之支配以充各出賃地

方全省發育之用水利公司得監視其充用之當否不得拒絕或減少其所取十分之三之餘利 張謇提議贊成者雷奮許鼎霖孟昭常楊廷棟方還錢以振于定一

一議釐訂土地圖籍議案 土地爲國家首本吾國土地廣漠江蘇尤稱沃衍奈量度不精素無完善圖籍並此不完善圖籍率把持於不肖吏胥之手或名經造或名莊書或名押倉上以挾制官長下以魚肉鄉民舞弊顛倒畝籍淆亂已極非一律清丈不足以正國本而絕民蠹各邑宜先設測繪速成科以儲効用移積穀帶徵款以充經費二年之間當可竣事以後即以胥吏原收造冊過戶等費充自治常費似爲兩得之道請付公決

一均平公民任責議案 今之鄉圖長保即古時三老嗇夫之列亦足化成一方茲沿爲生民苛役編夫編甲稍有勢力士紳卽不與其列因而其職益賤地方官之頤指鞭撻良民有飲泣吞聲遇故卽破產傾家假手刁猾則又乘端弊害宜列爲公民要職紳民一體擔任以昭公允而充能力且必由公推以重名義茲事雖若甚瑣於地方實造福無量又卽發達民權之起點請付公決

一裁抑書役蠹害議案 州縣爲親民之官非盡無心民瘼其間有一大梗則爲書役按各衙門書役六科三班名額本自無多然主其名者率坐收厚利而緣綴附塗者什伯專以嚙弱侵肥驅無數士著之民爲狼爲虎腹削地方民困安得紓治理何能善乎現官制尙未改定勢難盡裁吏役訟費章程尙未頒行無由遵咨通行宜爲安定章程俾足敷實在辦公執役餘悉裁汰因公使費皆由官給卽民刑訴訟亦酌定規費不准需索雖非正本清源亦治標之一道請付公決

一變通自治進行議案 諮議局以地方自治爲根據地方自治未經成立勢同孤寄現頒城鎮鄉地方自治章程雖規定年限原謂祇准提前江蘇開化稱早各邑諒有曾習法政人員必待分派講習層級遞下徒遷延歲月於事實無甚裨益似宜量爲變通迫促進行其進行之方與諮議選員雖異性質但以今趨勢合諸人民程度救焚拯溺其何能擇似不妨簡捷手續各屬議員卽聯合初選當選員分途組織城鄉一體舉辦以期早日成立請付公決 以上四則均蔡璜提議 贊成者陶惟坻方還金祖澤丁祖蔭錢崇威費樹達

止咳健身

廣東韶州府三江學堂董事函謝韋廉士大醫生紅色補丸之功效。韋廉士大醫生紅色補丸所以能治胸膈飽悶癆病初發哮喘咳嗽氣管發炎等症者以其所生稠濃鮮紅之新血能使肺部復生新力以助其祛除膈胸致疾之軟弱而得身體安痊康強有力也。韶州三江學堂之董事陳君咸熙云：○余去秋曾患熱病以致身體不勝軟弱後又感冒風寒停積胸部咳嗽痰吐勢甚劇烈晝夜纏綿不得安寧身乏肌肉狀類骷髏醫士勸余出外遊歷可使復原於是束裝就道即赴廣東更換水土或得少愈執意既至彼都病體依然如故後訪友人於廣東著名之普華大藥房並詢其有何良藥可療余疾蓋彼固熟諳藥理者也乃承其相告曰按汝病狀莫妙於服韋廉士大醫生紅色補丸且謂是丸之功曾親嘗試之大有奇驗云云余遂因其言購試一瓶尙未服罄即有轉機爰接連服之覺每瓶每見功效所耗肌肉日漸復原自從韋廉士大醫生紅色補丸治愈之後於今已有日矣不第咳嗽全消抑且筋絡強健食量增進精神充足爲人舒暢興趣盎然今歲身軀未見雄壯而精力殊甚康健夫精力康健豈非人生最要之端哉○夫聰明之製藥師所以勸陳君咸熙服韋廉士大醫生紅色補丸者蓋彼深知其所需者即一種補血之要藥使其血稠濃鮮紅也血既稠紅則其人必康強有力而全體重生一新

廣東韶州三江學堂董事陳君咸熙玉照



矣韋廉士大醫生紅色補丸常以是法醫治各病故可明證是丸誠爲由血不潔或腦筋失調所起各症之良方就其所治之症即如 血薄氣虧 腦筋衰弱 少年虧喪 陽萎不舉 肝經各病 胃不消化 頭痛頭暈 風溼骨痛 腎軟痠痛 左癱右瘓 腳氣衝心 山林瘴氣 乾溼癬癩 皮膚燥裂 經水不調 以及幼女壯

婦所患各症是也 中國各處商店藥局凡經售西藥之處均有出售或直向上海九江路B字第八號 韋廉士醫生藥局中國總發行處購買亦可 價銀每六瓶鷹洋八元每一瓶鷹洋一元五角 遠近郵費一律不取

上海九江路B字第八號韋廉士醫生藥局啟

新 啟
告廣司公限有灰洋



啟者本公司係承唐山洋灰公司老廠另購外洋最新式機器旋磨等創設
新廠自丁未臘月新廠開機以來出貨加增行銷愈廣灰質經本廠西洋化驗
師悉心研究精益求精會寄由德國國家栢林及日本關東都督府各化驗所
驗得動力堅力及凝結時刻灰之粗細均合要工所用其成色與外洋最高之
貨相等尚有機器製造之缸磚花磚洋灰瓦水溝管等項無論躉零交
易均可本公司總理處設在天津海大道英租界並在北平奉天大連烟台牛
莊青島上海漢口南京鎮江各埠均設有經售處如蒙 賜訂大批價值從廉
交貨不誤期限所有洋灰及各種磚瓦等件重量式樣大抵用法另刊有華洋
文廣告 光顧諸君請向本公司索閱面議一切可也

總律風一千三百零九號

利文洋行

大小皮包法國洋號又新到轉盤換調話匣八音盒價值格外從廉仕宦官商尤願者請移玉紫竹林法租界本行面議可也

本行開設天津上海香港志呢華海參崴等處均設有年諸物由外洋本廠器廠自造磁
蘭洋鐘皮套鐘天文坐卦等鐘以及金銀夾金鋼鋼等表約有二百餘宗並各樣表練金鑲珠寶
鑽石戒指耳墜鑲子表墜大小八音盒並留聲話匣單雙插千里眼磁鑲磨花穿衣鏡妝梳洋鏡
本行主人啟

瑞林祥元

本號開設北京前門外鮮魚口天津估依街中間路北山東濟南府院西路北自置綢
緞紗羅顧繡杭疋洋貨布疋各色喇哩厚呢京廣什貨俱全貨高價廉劃一不二後廳內專售
線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸
瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額
磁銅料器錶藍 奇巧美術玩器 學界文房用品 旋行攜帶等件 精工變身物料
定織各色帶氈 現又擴充樓房 極其寬闊高大 如蒙官商光顧 價值格外從廉
本行隨便入覽 電話一千三百七十四號 天津法租界 武齋洋行謹啟

天津商務總會代收甘省旱災賑款數目及各善士芳名第五次報告

藝善會勸募 劉丹甫代交洋一百七十元 懷德堂宋有政 趙占熬 孫尹卿 張金聲各助洋一元 花界孟金子三十元 回春藥房賣藥全價二十一元 上海花界素卿閣 花文秀 陳小琴 王玉仙 陳玉紅 李玉亭五名共助洋五十元 大公報交戲票一元 守拙堂二百元 藝善會經費餘款 劉子良十角銅元三十枚 浦蓮舫二元 王撫朝二元 天水氏十元 汪宅三元 醫學慈善會交四次十五元 山海關歐陽銘謙五元 曾子清四元 唐仁桐三元 鄭輔三元五角 甯遠州楊鳳林三元 管少卿 張驥逢 王毓周荒地車站長羅家麒 山海關站長汪仲門黃友于 關外四段監工劉鳳山謝永苗頌臣 灤州工程處張起臣楊爽庵無名氏站長凌述 唐山鐵路稽查劉玉如陳寶善各助洋二元 蘇榮圃 高良漢 山海關站長何仲熙 綏中縣票房林逸驥稅局盧浩文 關外七段監工王玉合 東新莊車站吳光斗 趙慶祥 劉俊生 劉兆玉 喬養源 顏玉科 蕭賀春 郭雲貴 孟餘寶 楊國賢 王松齡 劉慶春 袁仕庭 灤州站長吳濱訪 官報局顧立志 齊東輔 張貽庭 王廣生 古況鐵路工程處稽查王振紳 開平新路監工崔綬榮 王春薄俊福 徐賀恩 李桂林 王玉春 劉吉成 張厚卿 劉哲 曹珍 張驥象 劉智發 陳琢忠 營口工程處 王連閣 陳連科 董俊卿 吳昆生 陳德寶 李耀庭 孔伯朋 尹壽松 張家樸孫伍史動 李天寵 張繼富 劉永 趙亮 溝帮子工程處 高子榮各助洋一元 孫福龍一元五角 劉俊臣 王雲峯 齊福立 張連生 郭景長 李祥齋 陳斌萬好剛 董廣陸 王海南 蕭泰明 劉智義李慶鳳 無名氏 陳氏 楊六 薛玉珊 張永和 王玉聲 尙臣庭 王慶福 趙泰 劉廣祥 張振東秋文喜 劉碩齡 王兆慶 劉蔭棠 張貴恩 孫永金 郝玉珍 孫鵬澤 葛連合 郝玉增 李克讓才庭愷 張繼來 杜有珍 盧義和 才庭第 劉學合 劉國會 甄寶泉 張樹青 單丙寅 馬寶山 張印佟 士勳 王德各助五角 高如勳十角 洪春班掌班十元 德順班雅仙三十元 葉子屏 葉萬氏各助洋五元 張德黨六十一元八角 張月丹代募 禮和行賬房 興隆行賬房 隆茂行賬房 信遠行賬房 華泰行賬房 華順行賬房 德泰行賬房 茂記行賬房 順發行賬房 立興行賬房 (未完)

商務印書館出版各書上海總發行所 分館 發售

欽定大清會典事例全書 版式大小謹遵 商務印書館恭印
會典 會典圖 進呈原本

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書為憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖十二函○一定額二百部售完不再印○一定價現銀四百兩預約者減為二百五十兩○一預約以本年九月底為限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初美無故事朝野皆奉一憲政為準繩為國

為民政府與議員各盡其道中間財政之抗爭 法律之改訂或以爭執為攻錯或以和衷為救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四冊定價一元五角茲因諮議局不日開辦趕將前二冊先行出版後二冊七月 出版預定者實價一元收到書價後即交前二冊並付收條俟後二冊出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號

十月初三日至初十日代收甘肅賑捐第五期報告清單

范敦銘一元 義泉泰一元 趙殿魁一元 義成謙一元 李熙一元 蘇子俊一元 梁恩榮一元 戴吉卿一元 韓獻禮一元 錦泉和一元 陶賀年一元 合盛方一元 高道生一元 天合元一元 汪文義一元 錦源懋一元 候九捷一元 太原大清銀行四元 蔚盛長一元 賈繼英二元 張福卿二元 萬億興一元 大德通一元 志成信一元 張振鉉一元 大德恒一元 樂平五十元 日昇昌一元 (以上二百五十七號共計洋八十元) 吳可丞二元 吳劉氏二元 陳桐門一元 汪頰之一元 戴華農二元 梁德菴一元 孫多禮一元 陳子教一元 桂先培二元 程熙一元 祁仲璋一元 查祖基二元 孔慶霄五元 朱壽延一元 陳應綽五元 陳棋一元 王寶德二元 陸壽彤一元 馮德元四元 鄭光宇一元 (以上七百零三號共計洋三十七元) 劉世楷四元 朱鶴岑二元 譚仲熙一元 章秋白二元 胡平齋二元 王春生二元 高潤生一元 仲恩亭二元 鄭雨亭一元 (以上七百零二號代募洋十七元) 李荆茂四元 中吉店五元 富源湧二元 楊少農十元 文立局二元 張志知二元 黃叔良五元 李少舟五元 黃克明五元 (以上七百四十二號計洋四十元) 張海山一元 周錫候二元 宮筱周二元 汪叔文二元 竹筱齋二元 紹九一元 嚴月丞一元 楊茂亭一元 (以上五百三十號共洋十二元) 姚紹田一元 徐筱峰一元 王玉聯五角 龔德增五角 于相臣五角 楊紹宗三角 王方濟一元 于家麒三角 蘇熾如一元 魏景榮三角 張蔭庭五角 段芝應三角 高仁齋五角 張元樑三角 張增慶五角 李樹屏三角 梁炳熙五角 (以上五百三十一號計洋九元三角) 邱友千堂二元 郝子遠三元 錦源懋一元 其昌永一元 福凝書一元 寶豐隆一元 百川通一元 平遙日昇昌一元 天成亨一元 大盛川一元 存義公一元 大清銀行一元 慶昇德五角 義成書局五角 大興裕五角 義興亨五角 日昇昌二元 大德恒一元 徐德榮一元 袁永康二十元 楊恩元二元 萬億興一元 (以上一千八百二十三號計洋四十四元) 龔伯泉一元 李春融三角 胡敏初三角 汪兆林三角 陳曜一元 隋春圃三角 辛益培一元 韓欽德一元 張金藻五角 李隆慈一元 王崇光一元 何汝成五角 葉建侯一元 馬炳章五角 陳海仙三角 關榮廉二角 艾鶴年五角 徐坤五角 楊國棟二角 袁克昌一元 李建勛五角 焦汝瀚五角 張文魁五角 黃鈺昌五角 李榮壽五角 阮瓊忠三角 趙松濤三角 徐耀祖五角 (以上五百二十八號共洋十六元) (未完)

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼
官報局甘肅籌賑處謹啓

助柴鳴謝

啓者本堂收養孀孤年來人數增多不獨米糧用鉅而冬令燒柴尤為大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃
廣仁堂公啓

鳴謝助款

邑紳花翎候選道李公鴻翰謹遵故父李公鍾瑋遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實為好義可風同深感佩除由本堂詳請督憲奏獎外理合登報鳴謝以為樂善好施者勸
天津廣仁堂謹啟

直隸高等工業學堂招生廣告

本堂分高等科及中學科凡有中學畢業或修業及高等小學畢業者自十月初一日起至十一月二十九日止來河北黃緯路本堂取閱詳章報名幸勿遲悞

天津南開私立第一中學堂招考新班學生

考期一在本年十二月初六日上午一在明年正月十八日下午